
DISSERTATIO MEDICA
INAUGURALIS,
DE
PHTHISI PULMONALI.

STATISTICAL MEDICAL

1890

WILLIAM PULMONAL

DISSERTATIO MEDICA
INAUGURALIS,
DE
PHTHISI PULMONALI.

QUAM,

ANNUENTE SUMMO NUMINE,

Ex Auctoritate Reverendi admodum Viri

D. GEORGII BAIRD, S. S. T. P.

ACADEMIÆ EDINBURGENÆ Praefecti,

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

THOMAS CLEGHORN, A. B.

TRIN. COLL. DUB.

BRITANNUS,

Societ. Med. Dub.

Et Societ. Med. Hib. Soc. Ext.

Necnon

Societ. Reg. Med. Edin.

Socius.


Ad diem 12 Septembris, hora locoque solitis.

EDINBURGI:

CUM PRIVILEGIO.

TYPIS GULIELMI CREECH.

M DCC XCIII.



Digitized by the Internet Archive
in 2020 with funding from
Wellcome Library

FRATRI, AMICO,

PRAECEPTORI

JACOBO CLEGHORN, M.D.

ET IN COLL. S.S. ET INDIV. TRIN.

JUXTA DUBLINIUM ANAT. PROF.

HOC OPUSCULUM,

ANIMO QUAM MAXIME DEVINCTO

D. D. C.

AUCTOR.

DISSERTATIO MEDICA

INAUGURALIS,

DE

PHTHISI PULMONALI.

AUCTORE T. CLEGHORN.

TAM late per has insulas grassatur Phthisis Pulmonalis, et tam altâ caede notatur, ut saepe Morbus Anglicus audiat: Et quidem, five numeros saevitiae ejus subjectos, five naturam periculosam spectamus, summa attentione digna videtur. Secundum tabulos Londinenses, quatuor vel quinque millia singulis annis Phthisi pereunt; dum numerus mortuorum variat, inter viginti, et viginti tria millia. His

convenit opinio Sydenhami: " Verbo dicam,
" quantumcunque exitialis fit Phthisis, ut-
" pote qua intereunt duo trientes fere quos
" morbi chronici jugulant." Sed alio loco sta-
tuit, morbos chronicos, tertiam fere homi-
num necare. Hinc calculis subductis patebit,
hunc unum morbum quintam partem homi-
num in his insulis absumere. Nil mirum est
igitur multos nostratum praeclaros operam de-
disse ad causas et naturam investigandum.

Cel. MORTONUS omnes varietates Phthisis
Pulmonalis in duas species redegit; origina-
riam scilicet, quae a mala diathesi, et ulcera-
tione pulmonum, primo instanti dependet; et
secundariam vel symptomaticam, quoties sci-
licet pulmones a morbis praecedentibus altius
afficientur. Historiam morbi etiam divisit, in
tria stadia, incipiens, tuberculosum, et sup-
puratum.

Hodiernis quidem duo stadia tantum annu-
merantur;

merantur, incipiens et confirmatum; sed minime consentiunt de terminis singulis definiendis. Hic morbus dicitur etiam aliquando esse acutus, aliquando chronicus; sed perraro inter morbos acutos annumerari potest, Phthisis originaria.

Omnes auctores consentiunt, certum habitum corporis ad phthisin proclivitatem praenotabilem ostendere; et quibus signis hæc dignoscatur sedulo monstrant. Nam primo ingressu morbi plus valet ars medica, quam cum symptomata varia quaquaversum instant: et forsitan nullo alio morbo magis confirmatur dictum Hippocratis, “Occasio celeris”; nam cum jam Phthisis inveteraverit, de aegro desperatur; et etiam Phthisin incipientem reprimere opus difficile est et precarium.

Experientia docet eos magis ad Phthisin obnoxios esse, quibus cutis alba est et mollis, vultus eximius, ingenium praecox, muscoli molles

4 DE PHTHISI PULMONALI.

molles et oedematosi; quibus habitus corporis gracilis, cum thorace constricto, longo collo, et humeris elatis: Sed prae caeteris omnibus proclivitatem evincit dispositio catarrhalis; quando scilicet aeger vel ob levissimam occasionem, etiam sine ulla evidenti causâ, frequenter tussi obnoxius est. His signis vero quaedam alia adjiciunt auctores, vocem scilicet exilem, aliquando raucam, colorem dentium margaritae aemulantem, caerulitatem albugineae, et carunculae lachrymalis ruborem splendidum.

Phthisis utplurimum apparet inter aetatem pubertatis, et annum trigessimum quintum; Sed ROBINSON testatur se saepe vidisse huncce morbum mulieres aggressum fuisse, circa tempus cessationis mensium; et plurima exempla adducere possim, ostendere, nullam esse aetatem ab ejus adortibus incolumem. Sed haec minime afficiunt regulam generalem; et idcirco circa annos praedictos morbus semper
per-

pertimescendus est, in iis lineamentis diathesis phthifici designatis, et praecipue si a parentibus suppuratis orti sint, vel ipsi jamjam laborassent affectionibus scrophulosis.

Per gradus tam tardos obrepit malum, ut aegro, fere nihil timente, catarrhus dicitur levis a frigore accepto; nam initio plerumque tussis, levis quidem sed sicca, adhuc unicum est symptoma: huic vero cito adveniunt sensus molestiae in pectore, recubitu auctus, lassitudo inexplicabilis, et anhelatio post motum citatiorem vel ascensum scalarum. Sed tussi ingravescente vox raucescit, et dolores fugaces per thoracem volant. Haec symptomata post tempus haud longum sputis copiosis et sanguine mistis levantur; tussis restat fere nulla, et respiratio satis libera evadit. Sed haeret lateri lethalis arundo; nam ob levissimam occasionem, etiam sine ulla causâ evidenti, omnia revertunt, denuo ingravescent, et de novo mitigantur. Sic morbo sine periculi me-

tu progrediente, nullus accersitur medicus, nulla adhibentur remedia, et sic miserandus aeger per menses, per annos similibus paroxysmis vexatur. Interea anhelationes crescunt, dolores adhuc fugaces in alterum latus se figunt, et decubitus in illud omnia symptomata aggravat. Per hoc stadium pulsus est debilis et varius, urina plerumque rubra, alvus astricta, lingua nitida; appetitus aliquando prostratur, et haud infrequenter in mulieribus menses cessant. Semper vero viribus amissis corpus emaciatione sensim conficitur. Tandem levissima occasione febris accenditur, calor magnus, fere intollerabilis, manuum et pedum volas faciemque urit; tussis molestior ficiorque evadit; et dolores lancinantes per pectus et per totum corpus sentiuntur: Haec symptomata excipiunt fudores superiora corpora madentes, et excreatio copiosa sputi flavi subviridis mali odoris, et linguam sapore dulci aliquando falso vel amaro ferientis. His signis monemur quod Phthisis confirmari, et in lethalem

evadere incipit. Paroxyfmi febriles faepius in die recurrunt, cum fymptomatibus fupradictis, fed magis magisque ad reverfiones periodicas tendunt, et paulatim regularis hectica formatur, cum exacerbationibus binis in die, vefpertinâ fcilicet majori, et alterâ levi-ori fub meridiem; fingula vero in fudoribus partialibus copiofis, et excreatione materiae craffae purulentae definit, et apyrexia haud imperfecta fubfequitur; nunc vero omnia in pejus ruunt; fudores colliquatofi nocturni, et fputa purulenta matutina, vires jam labefcentes penitus conficiunt; corpus misere marcefcit; vultus quafi illotus foedatur; per ora et fauces innumerae aphthae apparent; capilli defluunt; et manus pedesque oedematofi tument; fputa definunt, et diarrhoea copiofa praenuntiat mortem.

In cadaveribus Phthificorum haud incaffum fperamus videre caufam tot accumulantium malorum; rimato thorace in variis partibus
pulmones

pulmones pleurae diaphragmati et pericardio adhaerent; quaquaversum superficies eorum interstinguitur tuberculis varii coloris, ut fere vel albis, vel livide rubris. Haec tubercula variant a magnitudine minimi seminis, usque ad fabæ molem: Sed majora fere semper continent materiam purulentem: sæpe etiam videtur vomicarum una vel plures; hæc sunt vel clausæ et puris plenæ, vel in cavitatem bronchiarum hiantes et aliquando ficcæ. In aliis corporis partibus nihil insigne videndum est, præter miram paucitatem adipis, et membranæ cellulosæ. Hinc manifeste apparet formationem et suppurationem tuberculorum in pulmonibus esse causam proximam phthisis, et idcirco pauca dicam de eorum origine et natura.

Mortonus sic de iis differit——“ Ut plurimum vero hi tumores glandulosi chronici et
 “ frigidi et quasi scrophulosi, a liquoris glutinositate vel pori sui ductus obstructione ori-
 “ tum

“ tum suum ducentes, quo fit ut intus flag-
“ nans liquor in formam gypseam, steatoma-
“ tosam vel melleam a naturali partis calore
“ concoquatur ; propriâ tamen cystide semper
“ continetur, atque inde tumor iste penitus
“ aboritur, quem crudum nominamus ; qui,
“ licet progressu temporis, in molem satis
“ grandem succrescat, non tamen illico inflam-
“ matur, vel putrescit, usquedum scilicet acri-
“ monia ab humore contracta in cystide, vel
“ ex tono partis nimis distento, inflammatio
“ atque inde apostema ab aliquo accidente
“ superveniat.” Hanc citationem condonare
liceat, nam in his paucis verbis continetur,
explicatio tuberculorum ortus et suppuratio-
nis, clara et simplex. Ingeniosus auctor pro
concesso habet, tubercula esse tumores glan-
dulosos ; et huic opinioni multi praeclari con-
sentiunt. Sed anatomici nunquam adhuc de-
monstrarunt glandulas lymphaticas in substan-
tia pulmonum, quanquam indefessus HEWSON
hoc organon summa curâ perscrutavit : et cer-

te si tanta obstructio has glandulas occuparet, Hydrothorax semper sequeretur. Nullus abnego hoc aliquando evenire, sed rarum est. Alii putarunt, et forsitan inter eos MORTONUS, glandulas mucosas, huic malo sedem praebere: Sed hae glandulae magis in tracheâ ipsâ et in bronchiarum majoribus ramis abundant: *Ibi vero* tubercula nunquam apparent. Omnis notum est tabidos aliquando per multos annos, anhelitu, macie, et hecticâ, sine ulla expectoratione purulenta, laborasse: Hos subtabidos nominavit HIPPOCRATES, praevidens, quod in progressu temporis omnia symptomata verae Phthiseos sequerentur; nam, ut benedixit MORTONUS, tubercula cruda non illico inflammantur, et putrescunt, sed succrescunt in molem fatis grandem, et singulatim, a causis variis irritantibus, in suppurationem ruunt. Aliquando vero tanta est dispositio ad tubercula formanda, ut vires aegri penitus conficiantur, antequam ulla suppuratio evenerit, et

tussis

tussis ficca comitetur usque ad mortem: Talem casum memorat BARRERE, post mortem inveniebantur pulmones undique pleurae accreti, resperfi per totum minimis tuberculis, fere instar seminum milii; dum manu premebatur pulmo, tactu percipiebantur, tubercula dura nucis magnitudine; quaedam ex illis tuberculis discissa, continebant materiam albam instar gypsi mollioris; unicum inveniebatur pure plenum. Pars superior lobi dextri dura erat instar lapidis, ovum gallinaceum minus aequans magnitudine. In eodem corpore, ergo, inveniebantur tubercula in omnibus fere stadiis. Sed aliquando tuberculum durum instar lapidis formatur; post tempus vero in locis adjacentibus inflammatio et suppuratio oritur, et hoc modo lapis obvoluta pure multo cum levamine expuitur. Aliquando etiam tubercula mollioris consistentiae sunt, et mellea vocantur, iis disruptis excreatio supervenit humoris liquidae, bili perquam similis, sed non acris; et sputis magis magisque purem referentibus,

rentibus, aeger tabescit, et more phthificorum periit. Si vero ea tubercula integra maneant, omnia symptomata similiter promovent, ac in casu a BARRERE citato, et aeger subtabidus moritur, sine quidem ulla expuitione purulenta.—RAULIN cel. descripsit duas species tuberculorum, scil. “ceux qui sont propres à suppurer et ceux qui ne suppurent jamais.” Sed ex supradictis patet, quod nulla insignis differentia sit inter has, sed potius tubercula cruda et suppurata vocari debeant; et quidem perpauci sine sputis purulentis moriuntur, etiam si vomicae parvae in ultimis diebus arescant, et nisi summa attentione quaerantur, penitus se subducant. Sed utplurimum res ita se habent: Post dolorem obtusum in pectore, difficultatem respirationis, et alia monentia quod tubercula jam formata fuerint, sputum prodit cum levamine purulentum; sensim minuitur copia, et parvâ hac vomicâ consolidata, satis bene se habere videtur talis aeger: Sed paulisper omnia eadem redeunt symptomata, dum

dum novum nempe tuberculum pus colligit, et rumpitur; et hoc modo morbus progreditur etiam per multos annos. Ubi vero a quacunque causa plura tubercula simul in vomicas abeunt, vel unum mali moris suppurationem saniosam praebet, omnia in pejora ruunt, et mors citius advenit.

Inter tubercula haec pulmonalia, et tumores scrophulosos in aliis partibus, similitudo evidenter apparet; et multi peritissimi inter medicos testantur, quod in omni fere Phthisi originaria alia symptomata strumosa invenienda sint, vel in aegro ipso, vel in parentibus suis: et hinc inter hodiernos nulla dubitatio manet, huncce morbum a labe scrophulosa originem ducere. Huic opinioni obiectum fuit, quod Phthisis et scrophula aliis aetatibus occurrant. Sed ingeniosus CULLEN ostendit, quomodo aliae partes corporis aliis aetatibus morbis obnoxiae fiant: Et quidem Phthisis ut plurimum occurrit circa hos annos, dum fluxus

abnormis

abnormis sanguinis versus pulmones proclivitatem ad morbum in eos vertit. Sed si thorax bene formata sit pulmones amplitudine crescunt, et systemate genitali evoluta, corpus majore sanitate viget, et omnibus functionibus rite peractis ad seponenda semina morborum magis magisque pollet. Hinc plurimi usque adhuc scrupholosi et phthisi et tumoribus incolumes evadunt.

Inter causas excitantes Phthisis frequentissime habentur catarrhus et hemoptysis; sed ut plurimum potius symptomata quam causae morbi, considerari debeant: Quanquam in iis qui antea dispositi sunt, aliquando formationem tuberculorum properent debilitando pulmones, et derivationem sanguinis versus eos augendo. In primis stadiis Phthisis, facile dignosci potest tussis symptomatica a tussi catarrhali: haec enim est semper humida, illa vero sicca, sonora, et recubitu aucta. Sed in proVectioribus stadiis saepe necessarium est determinare

minare, ane sputa aegri materia purulenta constant. Itaque HIPPOCRATES antiquitus methodum indagavit inter pus et mucum distinguendi, tam simplicitate quam certitudine insignem: materiem excreatam in vasculum aqua marina impletum injecit, si super eam nataret, mucum esse judicavit; si vero fundum peteret, pus. Sed simplicitatem hujus methodi spernantes pathologici hodierni, multum fatagunt de aliis differentiis inveniendis, et artem chemicam in auxilium vocant. Inter hos clar. DARWIN multa experimenta chemica ordinavit, haud sine spe comperuisse aliquas notas quibus duae substantiae facile dignosci possint. Sed plorandum est, ut ejus experimenta aliis repetita eventus plane differentes praeberent. Ut plurimum vero pus a muco dignosci potest sapore, odore, et colore. Haec vero experientia sola docebit, nam descriptiones talium qualitatum minime perfectae sunt. DE HAEN et alii exempla memorant, quibus Phthisis confirmata catarrhum exceperat; post mortem

mortem vero, thorace rimato, nulla tubercula, nulla suppuratio inveniri possint. Sed perdifficile foret distinguere inter vomicas parvas numerosas, et cellulas bronchiarum; et bene notum est, pus nunquam fecerni in ultimis diebus.

In omnibus stadiis Phthifis haemoptysis per frequenter occurrit, saepe quidem antequam ulla alia symptomata morbi apparuerint, vel dum saltem leviora sint, quam ut aeger aliquid pertimesceret; et in ultimis stadiis frequenter vasa magna vicina, ulceratione debilitata, rumpunt; et hinc profluvium sanguinis subsequitur, saepe profusum, aliquando lethale. Sed numerosissimi casus in praxi videntur, in quibus haemoptysis cessat, sine ulla subsequenti Phthifi, etiam sine ulla expectoratione purulenta. Sic egomet vidi in Nosocomio Edinensi mulierem, quae per decem annos sub suppressione mensium laboraverat, molimina circa tempus regulare semper apparuere, et

haemo-

haemoptysis haud infrequenter supervenit, sed nulla expectoratio purulenta vel alia symptomata phthiseos. Hinc certe inferre liceat quod haemoptysis non nisi illos proclivitate notatos ad phthisin ducat.

Quaecunque evacuationes suppressae, an secretiones et excretiones naturales, an fonticuli, ulcera et haemorrhagiae usitati, ad Phthisin ducunt. His etiam adjici potest, curatio repentina vel repulsio quorundam morborum, vulgo sub nomine Scorbuti designatorum; necnon amputatio alicujus membri majoris. Nam horum accidentium aliquo libratio circulationis turbatur, et sanguis redundans interiora petit. Si vero aliquod viscus labascit, in hoc vertitur. Sed his malis praeceptum artis perutile discimus; nam quaecunque evacuatio reprimatur, restituenda est, antequam ulla alia remedia praestemur: et si fonticulus vel ulcus veterum aruerit, illud renovandum; vel si multum incommodum futura creasset, novum in diverso loco formandum

est. Sed frequentissima causa Phthifis est perspiratio suppressa vel minuta. Ab experimentis SANCTORII apparet, quinque octavas partes ingestorum, corpore ejici per perspirationem, et minime dubitandum est, maximam hujus partem esse halitum e pulmonibus. Quum igitur a frigore, vel aliis causis, perspiratio reprimitur, nil mirum est pulmones laborare; nam et sanguis redundans in iis accumulatur, et halitu minuto minus ad sese exonerandum valent.— Hinc quaecunque perspirationem minuunt, aër humidus, loca paludosa, et regiones pluviatiles, semper adscribuntur inter causas remotas Phthifis: Et quanquam aestate phthifici optime se habent, minime tamen hiemale tempus periculosissimum apparet; sed autumnale vel vernale: Corpus enim vi mirabili gaudet, sese aptandi ad varios gradus caloris et frigoris. Sed si mutationes repentini sint, et tempus negetur ad certas functiones ordinandas, aequilibrium circulationis perturbatur, et pessimae effectus subsequuntur. Phthifis frequenter alios morbos excipit; ut
variolas,

variolas, morbillos, pneumoniam, et aliquando, sed raro, asthma spasmodicum vel tussim convulsivam. Haud immerito etiam dicitur quosdam affectiones mentis, Phthisi ansam praebere; sic melancholia et terror aliquando mutamina praenotabilia in corpore efficiunt, et multos morbos inducunt: Et quidem omnes causae debilitantes proclivitatem ad phthisin fovant et alunt.

In curatione Phthisis, omnia remedia, vel ad delendum morbum, vel ad symptomata graviora levanda, spectant. Sed plorandum est, nulla medicamenta satis efficacia inventa fuere, vel ad formationem tuberculorum prohibendam, vel ea jam formata resolvenda; sed quidem natura aliquando videtur curationem hujus morbi efficere, et medici est, omnes causas excitantes amovere, et conatus naturae quam maxime adjuvare. Dictum fuit supra, quod evacuationes variae suppressae frequenter ad Phthisin ducant, et eas restituere necessarium sit, antequam ulla alia remedia praestemur. Sed ut perspiratio minuta causa
fre-

frequentissima est, sic a quacunque morbus immediate pendet, nihil ad sanitatem magis conducit quam liberam per cutem excretionem promoveri. Ad hoc efficiendum nulla methodus simplicitate, et usu, praeſtat veſtitui calido; et quidem induſium laneum, perſpirationem in praefens admodum auget, et corpus munit contra mutationes repentinas tempeſtatum, tam alte pernicioſas. Experientia minime hortatur uſitationem ſudorificorum; his enim corpus debilitatur, et tempus amittitur, quod melius occupari poteſt in remediis efficacioribus adminiſtrandis, nempe diaeta idonea, exercitio, et remotione in loca corpori amiciora.

De diaeta phthiſicorum, multum inter ſe diſſentiunt autores: Sed inter omnes confertum eſſe videtur, diaetam neque ad debilitatem, neque ad diatheſin inflammatoriam ducentem, maxime neceſſariam eſſe; itaque alimentum ſatis nutriens, et ſtimuli expers, quaerendum eſt. Tale vero praebent variae ſpecies lactis; et ha-

rum

rum alii autores alias laudarunt. ROBINSON et multi praeclari lac humanum collaudant; et non dubitandum est, hoc reliquis antecellere, utpote facilius coctu, et maxime gratum fastidienti stomacho. Post illud commendari solent asininum et equinum; haec omnia materia saccharina abundant, et minorem quantitatem caseosae continent; hinc expertes esse videntur iis malis lactis vaccini: aliquando enim stomacho debilitato acidum gignitur, quod separationem coaguli promovet, et hinc omnia symptomata dyspeptica aggravantur. Sed huic speciei lactis etiam objicitur, quod alvum astringat. Dicitur quidem parvam quantitatem magnesiaae alvum laxam tenere, et aciditatem ventriculi corrigendo separationem coaguli impedire; certe vero alimentum minime prodest, usitationem corrigentium quaeritans. Sed lac ebutyratum satis nutriens apparet, corpus refrigerat, et alvum laxat; haud infrequenter etiam debillimis ventriculis maxime arridet, et ejus usum saepe magna beneficia sequuntur.

Ut plurimum in omni Phthiseos stadio, satius est a carne abstinere; hic enim alimentum praebet nimis stimulans, nec quidem concedi possunt juscula a carnibus parata. Sed fructus sub-acido-dulces, radices esculentae, olera, et far omne, diaetam idoneam, et satis variam praebent. In electione earum vero, arbitrium aegri semper consulendum est.

Vinum, et spiritus vinosi, numquam sine summo periculo ingurgitantur; et idcirco abstinencia religiosissima ab iis praescribenda est. Sed forsitan cerevisia tenuis minime inopportuna invenietur in quibusdam casibus, praecipue si vetustior sit, et aliquanto acidula; omnes enim aciduli potus gratiores, et utiliores, Phthificis videntur.

Equitationem laudavit SYDENHAMUS, quasi haud minus specificum in hoc morbo quam mercurius in syphili, vel cortex in febribus intermittentibus; multos enim, ejus ope ad valetudinem
reductos,

reductos, viderat, cum jam sudoribus nocturnis accesserat diarrhoea, praenuntia mortis, ut plurimum ultima rerum linea. Sed etiam confite-
tur itinera curru facta, aliquando mirandos sane effectus edidisse; et hinc mihi apparet, nihil in motu equitatoris mirabile inesse, sed omnia beneficia attribui debere, exercitationi sub dio, et mutationi loci; nam minime apparet equitatio in locis proximis tam insigniter prodesse. Sed hae methodi exercitationis aliquando nimis violentae sunt pro viribus confectis aegri, et ingeniosus CARMICHAEL SMYTH proposuit, motationem in sede pensili; et multos casus enarravit, dum Phthifici pristinum valetudinem recuperassent solo haec exercitio. Sed omnibus aliis praecellit navigatio: Sic CELSUS jamdudum dixit, “ In Phthisi opus est, si vires patiuntur, longa
“ navigatione; si id imbecillitas non finit, nave ta-
“ men sed non longe gestari commodissimum.” Et CICERO de seipso refert, quod debilis, et marcescens, ab instanti Phthisi, in Asiam navigasset; et post duos annos Romam rediisset, summa va-
letudine

letudine vicens. Et PLINIUS testatur, Anneum Gallionem similiter fecisse, propter Phthisin, et sanguinis sputa; adjiciens, “ Neque enim Egyptus propter se petitur, sed propter longam navigationem.” Inter hodiernos multi peritissimi eandem laudant. Clar. GILCHRIST plurimos casus commemorat, dum Phthifici omnibus stadiis vires et valetudinem instaurassent, vectatione marina. Et similes in omnibus autoribus qui de hoc morbo disceptant, inveniuntur. Sed etiam loca maritima insigniter amica Phthificis videntur; et quidem regionum periti dicunt, eos vitas degentes in locis maritimis, fere nunquam Phthisi consumeri. Sic RUSSEL in tractatu de aqua marina: “ Inter innumeras mulieres, quae victum quotidie eruendis conchis ad littora quaeritant, vix unam invenies, cujus putridae sunt dentes; contra autem, firmae sunt plerumque gingivae, pulmones sani, tussisque, scorbutica liberi.” Similiter quidem Clar. GILCHRIST observavit. Inter eos, qui circa littora marina vitam degentes, aërem purum respirant, saepe

undis

undis natantur, et conchilibus victu utuntur, Phthisis rara est; in regionibus proximis, paucamillaria mare remotis, morbus frequens, et lethalis invenitur, quanquam solum magis arefcat. Ex his constant, omnia beneficia a navigatione non solae gestationis in rationem referre debere; sed minime negandum est, quod exercitium lenè, et constans, multum prodest. Hoc enim fluxus sanguinis in corporis superficiem promovetur, et perspiratio majore copia excernitur; hinc tarditas ventris adeo frequens est, in iis qui pro tempore brevi per mare vehuntur; nam fluidis ab interioribus averfis, succus intestinalis deficit, et hinc alvus astringitur. Huic symptomati occurrere maxime necessarium est, et quidem indicationi alvetica satis aptata videntur.

Quoniam Phthisis multo frequentior est, in quibusdam locis, quam in aliis, haud absurdum est expectare, remotionem in loca feliciora, aliquid prodesse, etiam jam suppuratis: et quidem experientia docet, nullum aliud magis ad sani-

tatem conducere. Nam “peffimum aegro est
“caelum, quod aegrum fecit.”—Idcirco novos
locos petere, femper praefcribendum est; et eos
potius malis quam maxime expertes, quae hunc-
ce morbum fovere nofcuntur. Sed ut dictum est,
caelum mutabile prae caeteris Phthificis noxium
effe, (et certe haec regio mutabilitate eminen-
te gaudet). Ea tempeftate cum fubitae mutatio-
nes praevideantur, periculum itinere, vel navi-
gatione, aufugiendum est. Hoc confilio multi
noft ratum fub autumn i ingreffu, itinera facien-
tes in Hifpaniam, Italiam, vel regiones australes
Galliae, aestate perenni potiuntur; et fanitate
recuperata, in patriam redeunt, eundem curfum
remeare fperantes, fi ulla fymptomata regreffum
prioris mali minarentur. Poft aliquot annos ve-
ro diathefi phthifico fenfim evanefcente, fine ul-
lo timore natalibus regnis gaudent.

Quaedam aquae minerales in curatione hujus
morbi, multum laudibus efferuntur; et praeci-
pue ferrugineae. Et quidem tot cafus autori-
bus

bus memorantur phthificorum, qui per earum usum vitam quasi instauraverant, ut nulla dubitatio manere possit, eas inter efficaciora remedia enumerari debere: quanquam in quibusdam casibus, propter vim stimulantem, summa cautela necessaria videtur. Sed aliae aquae minerales multa beneficia promittunt. Sanguinem enim diluunt, corpus refrigerant, et omnes secretiones et excretiones promovent: Nec quidem parvi momenti est, animum aegri in iis locis ubi aquae quaeruntur variis oblectamentis deteneri.

Analogia ab aliis morbis, medicos allexit, tentare effectus mercurii in tuberculis resolvendis: Sed fere, incassum; et aliquando haud sine detrimento. Hinc quidem nunc nunquam usitatur.

Cortex Peruvianus saepe videtur admodum prodesse; et quidem FOTHERGILIUS frequenter usitavit in aliis morbis scrophulosis optima successu: et etiam in hoc, aliquando vidit multum bene-

beneficium ejus ufum fubfequi. Nihilominus opinatur hoc effe remedium dubium et periculofum in Phthifi pulmonali; et etiam teftatur abufum ejus in provectioribus ftadiis morbi, fe faepe vidiffe ad mortem ducere.

Setacea et fonticuli, admodum utiles inventur in primis ftadiis Phthifeos, et quidem obfervatio, Phthifin frequenter excipere deficcationem fonticulorum priorum, indicatio generalis, fluxum abnormem fanguinis a pulmonibus avertere; et effectus felices eorum ufum fequentes in aliis fimilibus morbis, omnes cohortantur ad periculum faciendum talium evacuationum.

Sed quidem humanitas poſcit, ut fuccurramus miferis de quorum etiam falute desperamus; ut leniamus mala, quae eradicari nequeunt; ut placide magis peragatur pauculum illud quod de vitae curriculo fupereſt, donec mors his aerumnis finem imponat.

Quatuor autem praecipue funt ſymptomata,
quae

quae lenimen postulant ; tussis, dolores, sudamina, et diarrhoea. Tussis, plerumque sicca, saepe molestissima, a primo adventu morbi perdurat, omnia alia symptomata aggravat, et ipsum morbum incitat. Ad hunc leniendum varia remedia, expectorantia dicta, celebrata fuere : nam omnes medici observaverant, excretionem copiosam e pulmonibus tussim levare. Sed cel. GREGORIUS sententiam de iis medicamentis his verbis promulgavit : “ Omnia vero quibus nomen expectorantium imponere placuit, vel admodum exiguas, vel quod pejus est, admodum incertas hujusmodi vires habent.” Et quidem alia medicamenta, ad leniendam tussim, aptiora videntur ; et praecipue opium, et mucilaginosum. His enim, adjuvante diaeta idonea, causae irritantes minuuntur, et partes ad irritationem minus apti evadunt.

Dolores lancinantes per pectus, aliquando missiones sanguinis postulant ; sed, satius foret eos mitigare per frotus, cucurbitulas cruentas, vel
emplastra

emplastra epispastica; his enim inflammatio resolvitur sine corporis debilitate inducta. Forſſitan etiam aliquando opium dare licebit; et hoc melius quam alia, dolores fugabit.

Ad ſudores reprimendos, nulla remedia efficaciora inveniuntur, quam potus frigidi acidulati. Sed ſtragula lecti parca eſſe debent, et aeger mane aſſurgere.

Saepe neceſſarium eſt diarrhoeam colliquativam cohibere; et ad hoc efficiendum in communi uſu ſunt opium, et aſtringentia, ut gummi kino, catechu, alumen, &c.

Sed ſymptomata hujus herculei morbi adeo varia ſunt, ut medici peritiſſimi eſt ſolamen praebere, et pro tempore judicare.

